rien declaré par les fonges, ou que celuy qui auroit eu ces fonges, s'en fust entierement oublié. Et c'est en cette saçon que leurs Medecins, ou plustost leurs Iongleurs qu'ils appellent Saokata, s'acquierent du credit & font valoir leur art, disans qu'vn enfant au berceau, qui n'a ny iugement ny connoissance, aura vn Ondinnonk, c'est à dire vn desir naturel & caché de telle chose: qu'vn malade aura de semblables desirs, de diuerses choses, desquels il n'aura iamais eu aucune connoissance, ny rien qui en approche. Car comme nous dirons cy-apres, les Hurons croyent qu'vn des puissans remedes pour recouurer au plustost la fanté, est de fournir à l'ame du malade, ces sortes de desirs naturels.

[96] Mais d'où vient cette veuë si perçante à ces gens plus esclairez que le commun? Ils disent que c'est vn oky, c'est à dire vn puissant genie, qui estant entré dans leur corps, ou leur ayant apparu soit en songe, soit apres leur resueil, leur fait voir ces merueilles. Les vns disent que ce genie leur apparoist sous la forme d'vn Aigle: les autres disent le voir comme vn Corbeau, & mille autres formes semblables, selon que chacun aura diuerse santaisses. Car ie ne croy pas qu'il y ait en tout cela aucune vraye apparition, ny aucune operation vrayment diabolique en toutes les sottises, dont tout ce pays est remply.

Or les façons font differentes dont ces Medecins & trompeurs difent voir ces defirs cachez de l'ame du malade. Les vns regardans dans vn baffin plein d'eau, y voyent, difent-ils, comme on feroit dans vn miroir, paffer diuerfes chofes; vn beau colier de Porcelaine, vne robe de peaux d'escurieux noirs, qui font icy estimées les plus precieuses, vne peau d'asne